

TILLAA TƏMLƏ

Kətulət

Tillaa Təmle takəlaya wenna isu salav wei i kaya Laapaalənaa na Pəəli-wə pa kəhmanmaasi hekə taa tə. Ka taa ké pa keesəyi-tuyv isəna Yesu Kilisiti Isə seela caala Yuta nyəma taa na piitimnaa taa tə.

Yuta nyuyv nyəma na Lom nyəma pa tə kancaalaya Isə seela ke wahala ke səsəm. Pəəli ka ké wahala tulaa mpe pa taa lelv wei Isə layasa tampana layasuyv tə si í kpaali Laapaali Kupaŋ ke piitimnaa lelaa. Takəlaya ŋke ka keesa-tv tətəyə Pəəli cəənav ke Laapaali Kupaŋ ke tətə taa.

Isəna pa faya Tillaa Təmle takəlaya tə:

Feesuyu Nanŋtv tanuyv, titite 1

Aseeta nyəma ke Yosalem taa, titite 2-7

Aseeta nyəma ke Yuta na Samalii taa, titite 8-12

Pəəli təmle, titite 13-28

Feesuyu Nanŋtv ka tii tillaa səsaa tə

¹ Ma yulv Teufili, ma takəlaya kancaalaya nyəŋka taa ma keesa mpi mpi Yesu caala lapv tə, na nti nti i seyesa pə kpayav kancaalaya,

² na pə sına kupaŋku i kpa isə tə. Na pəcə Yesu kpa isə tə, i ka heelina Feesuyu Nanŋtv ton ke mpi i caa si yəlaa mpa i ləsa si i tillaa tə pá la tə.

³ Yesu səm waali i lukaya i tillaa tə, na í hóləyənaweyə yaasinaa payale taa si i fema. Halı kuyeyŋ nule taa təcu ké Yesu lukaya i tillaa tə na í laki-weyə Isə Kawulaya waasv.

4 M̄p̄r̄ȳ kuyaku nakoli Yesu na i tillaa pa caḡaa na p̄a t̄h̄na t̄ḡ̄u. T̄n̄aḡa i heela-we si: I taa hat̄l̄əna Yosalem. Ama í keḡna mpi Tacaa ka t̄ma si i k̄a ha t̄, kuḡḡu ŋku ku t̄m maa heela-me t̄.

5 Mpi p̄ə t̄ḡ̄ t̄, lum maḡamaḡa ke Yoḡaan̄i naa s̄na ȳl̄aa ke Is̄o lum. Ama ye me il̄e, pu la wee naale t̄ Feesuȳu Nan̄ḡtu maḡamaḡa ke paa kel̄i na p̄a s̄-me.

Yesu kpa is̄o

6 M̄p̄r̄ȳ Yesu na mpa paa kota mpu t̄ pa p̄ḡsa-i si: Tacaa, ye mpu p̄əneḡe n̄ k̄a t̄ḡan̄i Is̄eḡeli kawulaya ŋkeḡe kusuȳu na?

7 T̄n̄aḡa Yesu c̄ə i na mpa paa kota mpu t̄ si: P̄ə t̄ḡa si mu nȳəna k̄ȳeḡḡ yaa waat̄v̄naa mpa Tacaa maḡamaḡa s̄una i t̄ḡ̄ t̄ se.

8 Ama k̄ȳan̄ku Is̄o Feesuȳu Nan̄ḡtu ka t̄ii m̄ə t̄ḡ̄ t̄, í k̄a hiki toma na í h̄ól̄i p̄ə t̄əna mpi í nana m̄ə is̄əp̄ee t̄ə p̄ə tampana ke Yosalem, na Yuta, na Samalii p̄ə t̄et̄v̄naa t̄əna taa. Hal̄əna p̄ə polo p̄ə tala antulinya t̄ənas̄i t̄əna t̄əpai.

9 Yesu t̄ema m̄p̄r̄ȳ ȳḡḡt̄uȳu, il̄ena p̄ə kraasi-i is̄o na p̄a nȳən̄ḡi-i mpu. Hal̄əna pul̄upu is̄u ŋm̄v̄nt̄uȳu k̄ḡḡ p̄ə taki i t̄ḡ̄, pa ta tasa-i nav.

10 Yesu kpa is̄o na i tillaa wee na p̄a t̄h̄na nȳənȳu t̄əp̄iḡ ke mpu, il̄e pa tuta apalaa naaleḡe pa c̄əḡḡle na p̄a suu wontu k̄v̄h̄l̄v̄mt̄v̄.

11 Na apalaa mpe p̄a p̄ḡsi tillaa si: Kalilee nȳəma me, pepe t̄ḡ̄ k̄é í s̄əḡaa na í nȳən̄ḡi is̄o k̄é mpu? Yesu wei p̄ə l̄əsa m̄ə heku na p̄ə kraasi-i is̄o k̄é is̄ənt̄ə t̄ə, i k̄a t̄e na í m̄əli m̄p̄r̄ȳ teitei is̄u í na-i na í kraaki is̄ənt̄ə t̄ə.

Matiyas̄i m̄əla Yutaasi lonte

12 M̀p̀ỳg̀ỳ tillaa kula tuŋ wei pa yaa sɪ Olifinaa t̀ɔ ɪ puɣu ŋku kv kin paa wee t̀ɔ na p̀á m̀əli Yosalem. Puɣu ŋku na Yosalem p̀ə f̀ei pooluŋ. P̀ə ta k̀əli kilomεεtəli k̀əlv̄m.

13 Pa talaa, ilena p̀á kpa pa ɪsɔtaa kutuluɣu ŋku kv taa paa suvkaya t̀ɔ. M̀pa pa suvkaya t̀əna t̀əɣɔle Piyee, na Yohaani, na Saaki, na Antəli, na Filipu, na Tomaa, na Paatelemii, na Matiyee, na Aləfe p̀əyalv̄ Saaki, na Siməŋ wei ɪ k̀é m̀pa pa lvkaya sɪ pa muɣi pa tetv̄ t̀ɔ pa taa ləlv̄ t̀ɔ, na Saaki p̀əyalv̄ Yuti.

14 Pa t̀əna pa kotaya t̀əntəmle ke tam na p̀á sələməɣi Iə. Pa taa ka we alaa napəli, na Yesu too, na Yesu newaa.

15 Kuyeeŋ inɪ ɪ taa, kuyaku nakv̄li yəlaa kotaa, hali pa tala ɪsu yulv̄nyəŋ nunəwa na hiu (120). Ilena Piyee kvli na ɪ səŋ ɪ taapalaa m̀pe pa hekv̄ na ɪ t̀ɔ sɪ:

16 Ma taapalaa me, t̀əm nti Iə Feesuyu Nanjtu ka tv̄ Tafiiti nəɣɔ taa na ɪ yətəti, na t̀ə we Iə Təm takəlaya taa k̀é Yutaasi wei ɪ t̀ee Yesu kpalaa ke nəɣɔ t̀ɔ ɪ t̀əm t̀ɔ, p̀ə wee k̀é sɪ tu la.

17 Yutaasi inɪ ɪ ka k̀é ta taa ləlv̄, na tá na-ɪ tu krenta təmle t̀əne t̀ə taa.

18 Apalv̄ inɪ, waatv̄ wei ɪ tɛma tetv̄ yapv̄ na ɪ tulum liyitee anɪ t̀ɔ, ɪ polaa na ɪ hoti t̀ə taa k̀é ɪ nəɣɔ t̀ə, na ɪ lotu t̀əli, na ɪ taa lotu ya na t̀ə ŋmaa.

19 Təm t̀əne t̀ə yeka Yosalem nyəma t̀əna kin, haləna p̀á ha tetv̄ ntəɣi hətə na pa tɛ taa sɪ: Akeletama. Caləm tetv̄ ke pa yaa mpv̄ na pa tɛ taa.

20 Pa ŋmaa Yontu takəlaya taa sɪ:

I təyaya ɪ təkɪ kaav.

Nəɣəlv̄ ɪ taa kusi-ke.

Na lentɪ t̀ətə sɪ:

Nəɣəlv̄ ɪ lɛeti ɪ lonte.

21-22 Ye mpv pə wεε sɪ mpa pa tənaya-tuyv waatu wei tá na Tacaa Yesu tə cəkaya tetənaa tə, pa taa nəyəlv í səsɪ tá tə, na tá na-ɪ té h́lí Tacaa Yesu səpv na í fe tə pə tampana. Puntv ɪnɪ ɪ ká wεε wei kuyeyɛn tənə ɪ ka wε tá waali ké pə kpaɣav Yohaani səv Yesu ke Isə lvm tə, haləna kuyanjku pə ləsa-ɪ tá hekv na pə kpaasi-ɪ isə tə.

23 Ḿpógý pa ləsa yəlaa naale, Yosεfv wei pa yaa sɪ Paasapasi na pá cuyusi-ɪ sɪ Yutusi tə, na Matiyasi.

24 Iləna pá sələmi sɪ: Tacaa, nyá nyəmna yəlaa lotunaa, h́lí-tuyv yəlaa pane pa naale pa taa wei n ləsa sɪ í la tillu,

25 na í paasəna təmlə nte Yutaasi yəlaa na í tεε ɪ nyəjku tə.

26 Tənaya pa tə tətə na pə kpa Matiyasi, na í səsɪ tillaa naanəwa na kulvm ɪnɪ ɪ tə.

2

Feesuyu Nanjtv tiu

1 Ḿpógý pə tala Pentakənta acima wule, iləna Isə sɛɛlaa koti pa tənaya təntəmlə.

2 Pə tasaa ilə, kəkəte natəli, isu heelim səsəəm makuyv tə, luna isətəa keke, na té nyaləna təyaya njka ka taa paa wε mpv tə.

3 Ḿpógý pvləpvnaa lu pa tə na pə nəyəsəna isu kəkə nsəma. Iləna pvləpvnaa mpe pá ya na pá caya paa wei ɪ tə ké kulvm kulvm.

4 Tənaya Feesuyu Nanjtv haya pa tənə pa taa təmammam, na pá ssv piitim lempi təm yəyətuyv, na nti Feesuyu tv pa taa tə ntəyi pa yəyətaya.

5 Pə pamna mpa pa təhəyi Iso mpaav ke teu tə pa luna antulinya təna taa na pá we Yosalem ke waatu in.

6 Yəlaa mpe pa nu kəkəte h́té tə tan, ilena pá koti səsəm. Ḿpúyú pə lapa-weye ha, pə taya pulv, paa wei i nukaya Iso seela yəyətəyəna i te taa.

7 Tənağa pa kpa nəəsi na pə la-weye piti, na pá tə si: Isu Kalilee nyəma tike yəyətəyəna isəntə.

8 Ue pə lapa isəna na paa tá taa wei í nukı pa yəyətəyəna i te taa?

9 Anı tá taa cəne mpa pa luna Paati tetv tə pa wee, Metii na llam pə nyəma ná wee, Mesopotami nyəma ná wee, na Yuta na Karatəəsi pə nyəma, na Pəh nyəma na Asii tetv nyəma,

10 Filicii na Pamfili pə nyəma, na Icipiti nyəma na Siləeni cəlv Lipii tetv həyələyvl ləhkv nyəma, na pə kaasa lelaa mpa pa luna Lom tə.

11 Yuta nyəma siyisiyi wee, na pə kaası mpa pa svv Yuta nyəma Isəsəele ke kusvv tə, na Kələeti nyəma na Alapv nyəma. Paa na mpv pa tu keesəyi Iso təma səsəəna təm na tá təmnəa waanı waanı taa, na tə nukı tá təna.

12 Pə təmsa pa təna, pa ta nyı nti paa yəyətı tə. Ilena pá pəsəyi təma si, təm təne ntiyile mpv?

13 Ama lelaa ná wəhə-we, na pá tə si svlv m puna-we.

Piyee waasv

14 Tənağa Piyee na tillaa lelaa naanvwa na kvlvm inı pa kulaa na pá səh isə. Ilena Piyee yəyətəna samaa na nəy səsaya si: Ma Yuta nyəma me, na mpa me mə kəma Yosalem ke kəkəm tə, í tv h́kpaññ na í cəkəna teu ke nti ma heeliyi-me tə.

15 Pə taya sulum kuyuna yəlaa pane inu isu í huuki tə. Pə taya pulv təə, pə kəla tanaŋ.

16 Ama nti Iso kuyəyətutu teləsulv Soweele ka yəyətəa tə, nti tə mayamaɣa tə lakəna saŋa.

17 Iso yəyətəa si:

Nti maa la kuyeeŋ kantəkaya nyəŋ taa təyələ.

Maa tisi ma Feesuyu ke yəlaa təna təə.

Mə pəyalaa na mə pəelaa ká na nti

tu la cele tə na pá yəyətə.

Pu hólí mə ifepiya ke təmnaa na pá nana pa isəpee.

Na mə kukpatəlaa ká toosi toosee.

18 Tampana təə, maa tisi ma Feesuyu ke ma təmle nyəma,

apalaa na alaa nyəma, pa təə ké kuyeeŋ inu i taa.

Paa ná nti tu la cele tə na pá yəyətə-ti.

19 Maa la kəkələ nyəmnaa ke hatoo isətənyu taa,

na piti təma ke atə.

Caləm na kəkə na nyəsə səsəənsi ká nyala.

20 Ilim ká si təkpitii.

Isətv ká sēe isu caləm.

Pə təna pu la mpv na pécó pé tala

Tacaa kuyaku səsəəŋku teeli nyəŋku ŋku.

21 Pé na pə mpv tə yəlaa təna mpa

paa yaa Tacaa hətə tə paa tülü-ti.

22 Iseyeli nyəma me, í nu nti ma heeliyi-me tə.

Nasaleti Yesu ké yulv wei i səsəəntv Iso hólá-me təyə.

Pə taya pulv, Yesu niŋ ke Iso lapəna piti təma na

səyəntv təma na Iso kəkələ nyəmnaa mpa i hólá mə hekv taa tə. Isu mə mayamaɣa í nyəm pə təna tə.

23 Na yulv inəyi Iso kpayaa na í cele-me isu i ka huv i taa na í tv pə pəle si i ká la tə. Ama mə kv-i, mə yelina na yəlaa asayaa kam-i səm tesika təə.

24 Ama Iso yəka səm toma na í feesi-i. Pə taɣa pʊlv, pə fɛi si səm í lapɪ-i pʊlv cəcəka.

25 Tampana, Tafiiti yəɣota Yesu inɪ ɪ təm ke mpʊ si: Ma naakaya Taca ke tam ké ma cələɣə.

I ka səɲa ma waali ké si má taa selina pʊlv.

26 Pə tɔɔ ké ma laakali caya təntəmle ke teu, na lanhɛele kʊɣʊ-m ma yəɣotaya taa.

Paa ma ké yʊlv na maa si tɔ, ma cayana tɛɛlʊɣʊ.

27 Pə taɣa pʊlv tɔɔ,

Iso nyá n kaa lə-m yem ké atətəle taa.

N kaa yeke si nyá yʊlv má má tu səɲ paa pəcɔ mayamaya.

28 N hʊla-m weesuɣu mpaanɲ.

N ká wɛɛ ma kin na n hʊləsəɣi ma lanle ke teu.

29 Apalaa me, í yeke má tʊləsi-meɣe tá ləɲce Tafiiti təm təcɛɛɛ si, ɪ səpa na pá pimi-i, na ɪ pəlaav wɛ tá hekʊ ke haləna saɲa.

30 Tafiiti inɪ ɪ ka ké Iso kʊyəɣotʊtʊ tɛləsʊlv ké na í nyəmá teu si, Iso ka tɔma nti na tuunav si ɪ ká lapɪ-ɪ tɔ pu la. Səsi Tafiiti lʊlvɣʊ taa tʊ nəɣəlv ká təɣona kawulaya nka Tafiiti inɪ ɪ ka təɣaa tɔ.

31 Hatoo ləɲ Tafiiti nawa mpi pu tɛ na pə la tɔ. Pə tɔɔ ké ɪ yəɣota Mesii səpʊ na í fe tɔ pə təm si:

Pa ta lə-ɪ yem ké atətəle taa.

I ta tu səɲ paa pəcɔ mayamaya.

32 Yesu wei inɪ ɪ təm ma yəɣotəɣi isəntɔ tɔ, Iso feesa-i, na tá təna tə nana tá isəpee təkɛlekele.

33 Iso kʊsa ɪ nyʊɣʊ na í cayasi-ɪ ɪ kəɲkəɲ taa. Ilena í kpaɣa Feesuɣu Nanɲtʊ, wei ɪ ka tɔma si ɪ ká ha tɔ, na í cɛle-i. Na Feesuɣu Nanɲtʊ inəɣi Yesu tisa tá təna tá tɔɔ, na í təɲna nav na nuw ke isəntɔ.

34 Pə taya ısu Tafiiti maɣamaɣa nά kpa ıso se. Ama paa na mpv ı yəɣota sı:

Tacaa Iso heela ma Səsə sı:

Caɣa ma kəŋkəŋ taa.

35 Haləna má kəna nyá kolontunaa,
na ń loosi nyá nəəhe ke pa təə.

36 Pə wee sı Iseyeli yəlaa təna ká nyı teu təkpataa sı,
Yesu wei í kama səm tesika təə tə, ınəɣı Iso lapa Səsə
na Mesii.

37 Iseyeli nyəma nu təm tənə ılena pa laŋa pəsı
səsəm, na pá pəəsı Piyee na tillaa ləlaa sı: Ta taapalaa
mε, ısanaya pə wee sı tə la ıle?

38 Tənaɣa Piyee cə-we sı: ı lə mə ısayatv na í layası
həwee, na pá yaa Yesu Kilisiti həte na pá səna paa mə
taa wei ké Iso ləm, na pé husı mə ısayatv. ılena í hiki
Iso kvcəv səsvəŋku kv ké Feesuyv Naŋŋtə tə.

39 Pə taya pvlv təə, mə na mə piya na hatəlaya
nyəma ke Iso təma sı ı ká ha, í tu laalaa na í yaa wei
te, ıle ı hikaa ké.

40 Mpyó Piyee tasa Iseyeli nyəma ke təm payale ke
heeluyv tətə, nti tu səna-we na tə səvsi-weɣe apalvtv
tə. Səsi, í ləsi mə təɣı yəlaa letaa pane pa taa na í tulı-
tı.

41 Mpyó Iseyeli nyəma taa yəlaa tuutuuma mv
Piyee təm na pá sə-weɣe Iso ləm. Kuyanku, mpa pa
svv Iso seev tə, pa nyəŋ tala ısu iyisi tooso (3000).

42 Pa ıələ ka seena tillaa kvseyesətv ke nuv, na
pa tənaɣa təma na laŋhvləmlε ke səsəm. Pa təkaya
təntəmlε ke tam, na pá puki Iso sələmuyv pv səə
nəɣlv.

Iso seelaa cakəle

43 Tillaa lakaya piti təma na Iso kəkəlv nyəmnaa, na
pə kpa paa wei ké səɣəntv.

44 İso səelaa təna ka wəna nəγə küləmaya, na pa krentaya mpi mpi pa wəna tə.

45 Pa pəstaya pa tətənaa na pa wontunaa na pə kotiyi pə liyitee ke təntəmlə, na pə caala pa taa wei pa waasəna-i.

46 Pa təna paa kotaya paa ifemle nteye İso təsəele ke İso sələmuyə pu səə yulə. Ye pa saa-wəγe pa tēsi taa, təntəmlə ke pa kotiyi na pə təkī. Lanjəhuləmlə ke pa təkayana pa təγənası, na pa taa hətəna təma.

47 Na pə saη İso, na yələa təna laηa hēna-wē. Paa kuyayku Tacaə səəsaya pa kpekəle təə kē mpa mpa pa nyəəη pə yapa tə.

3

Kaakalaya hika nəəhē

1 Mpyəy kuyaku nakuli Piyee na Yohaani pa pukaya İso təsəele ke ilim kpiluyə sələmuyə.

2 Apalə nəγəlyə pa lələna kaakalətu, na pə pukina-i na pə suki İso təsəele səəsəle nənəγə ηka pa yaa sı Caηəm Nənəγə təγə paa kuyaku ηku sı i sələməyi İso təsəele taa svlaa ke liyitee.

3 İ nawa Piyee na Yohaani pa svuki İso təsəele taa, iləna i sələmi-wē sı pə ha-i pulə.

4 Mpyəy Piyee na Yohaani pa nyəna-i təriηη. İlena Piyee təmi-i sı: Paasəna cəne.

5 Tənaγa kaakalaya paasəna-wəγe teu, na ka tēlayaa sı paa ha-keγe pulə.

6 Mpyəy Piyee təma-ke sı: Ma fəina liyitee sı maa ha-η. Ama maa ha-η mpi ma wəna tə. Na Nasaləti Yesu Kilisiti təη taa küli na ŋ tə.

7 ʔlena Piyee siisi na í təkí kaakalaya na niŋ ntəyən, na í kusi. Tənaɣa kaakalaya nəəhɛɛ na ka nəəɔwasi kra toŋ ke kraakraa.

8 M̀p̀ỳg̀ỳ ka kulaa təhapa na ká tii ka nəəhɛɛ təə, na ká səŋ təye na ká niki təntɛ, na ká na tillaa səsaa pá krenti na pá suu Isə təseɛɛ taa. Na ká tən na ká ŋmaaləyi na ká saŋ Isə.

9 Samaa təna ná ka təntɛ na ka Isə sam.

10 Pa kəma na pá cəkəna si ŋke ka cakayana Isə təseɛɛ Caŋəm Nənəyɔ kin na ká sələməyi liyitee, ʔlena səyənɔ na piti la-we na isəna ka hika nəəhɛɛ tə.

Piyee waasu ke Isə təseɛɛ taa

11 M̀p̀ỳg̀ỳ kaakalaya ŋke ka nyəəna Piyee na Yohaani ke tam. M̀p̀ỳg̀ỳ piti kra samaa ke səsəm, ʔlena pá wati Piyee we pa təə ké sakaya səsəyɔ ŋka pa yaakaya si Salwəmən sakaya tə ka tɛɛ.

12 Piyee ná mpɔ, ʔlena í tə samaa si: Iseyeli yəlaa me, pepe təə ké apalɔ inɛ i kulɔyɔ tə pə ceki mə laŋa? Na pepe təə ké í nyənəyi-tu isu tá mayamaya tá toŋ yaa tá Isəseɛɛ teu napəli pə yelina na apalɔ inɛ í tən?

13 Apələham na Isaaka na Yakəpu pa Isə, wei i ké ta caanaa caanaa Isə tə, i kusa i təmle tu Yesu nyoyɔ. Ama me mə tu-i toŋtənaa niŋ taa. Pəle pə waali Pilati luyɔ lapa si i yeki-i tə, mə tayanna kisuyɔ.

14 I kisa yulɔ kupaŋ tampana təŋlɔ inɛ, na isayav kpitikpiti ké í səɔlaa na í sələmi Pilati si í tulɔ-meyɛ ílé.

15 M̀p̀ỳg̀ỳ pə lapa na í yeɛ na pá ku weesuyɔ halɔ. Ama Isə ná feesa-i na tə nana tá isəpee.

16 Yesu inɛ i mayamaya i toŋ taa na táá təmnaɔ ke-i yelina apalɔ inɛ i kulaa. I nyəma-i na inɛ i səŋna mə

ısentaa ısentə. Táá təmnav ke Yesu yelina apalı inε ı wena ı ti təmmam na mə təna í naaki mpv.

17 Təv, ma nyəma me, ma nyəma teu sı mə na mə səsaa í taa cekəna təvə í lapa Yesu inəyi mpv.

18 İle təm nti İso yelaa na İso kuyəvətutv teləsəlaa təna kpaalı hatoo ləη taa, sı ı Mesii ká təvə konyəη tə, nti inı tə mayamaya ke ı yelaa na t́ lá.

19 Pə təv tə, í lə mə ısayatv na í layası hıwεε, na í pəsəna İso təv. İlena ílé í tayanı mə təwakəllena.

20 İle Tacaa ká ha-mεye kuyεεη wei ı taa pu waası-me tə, na í kəna Mesii wei ı ka ləsa hatoo ləη na í sı-me tə. Mesii inəvəle Yesu.

21 Ama pə wεε ké sı Yesu Kilisiti í caya ıətəa, haləna pé tala waatv wei paa tayanı pə tənaya kofam pəsıvı, ısu İso ka təm yelıvı ke hatoo ləη na ı kuyəvətutv teləsəlaa kúpama vəvətı tə.

22 Halı Moisi mayamaya ná vəvətə ı təm ke mpv sı: Tacaa mə İso ká kəna-mεye İso kuyəvətutv teləsılv nəvəlv wei ı wε ısu má, na ı ká wεε mə mayamaya mə piitim tv, na í ká təη tə təna nti ı ká heeli-me tə.

23 Ye wei ı ta nuna İso kuyəvətutv teləsılv inı, paa ləsi pıntv ke İso yəlaa taa na pá kv-ı.

24 İso kuyəvətutv teləsəlaa mpa pa təna pa vəvətə pə kpaıav Samiyεeli na ı waalı nyəma pa looηa ηke ka tənaya mpv tə, pa vəvətə kuyεεη inε inı ı təm.

25 Mpi İso ka təma sı ı ká ha na İso kuyəvətutv teləsəlaa ηmaa pə təm tə, mεye ı təma sı ı ká la. Halı mə təm ke İso ka vəvətə saa wei í na mə caanaa caanaa paa sı təmaya nəvı tə. Waatv inəyi İso təma Apələham sı: Nyá piya təv ké maa la ate yəlaa tənaya kúpantv.

26 Pə təv ké İso ləsa ı təmle tv tə, mə cəlvəv ı laaləna-ı

kənaʋ. ɪ kəna-meɣe-ɪ m̄p̄yú sɪ í la-meɣe kɔpantʋ, sɪ í layasi-me na paa wei í yele ɪ yaasi ɪsayaʋ.

4

Pa yaa Piyee na Yohaani ke nənəyɔ

¹ Piyee na Yohaani pa tənna samaa ke yəɣətənaʋ ke mpv, ɪlena kətəlaa na ɪsɔ təsesele tanlaa nyuyv tu na Satusee nyəma pa tala.

² M̄p̄yú pə sala-we. Pə taɣa pulv tillaa səsaa naale ná seɣesaya samaa sɪ Yesu fema. Mpv tɔ sətəa ka te na pá fe.

³ Tənaɣa Yuta nyəma kra-we na pá təkɪ-weɣe saləka, sɪ pə fema ɪle paa cekəna. Pə taɣa pulv, saa ɪni tɔ pu tɛma taanuyv.

⁴ Paa na mpv mpa pa nuwa Piyee faaci tɔ, pa payale mɔwa. Haləna mɔlaa mpe pa taa apalaa tapə ɪsu iyisi kakpasɪ (5000) ke mpv.

⁵ Tɛv fema, ɪlena Yuta nyəma səsaa na nyuyv nyəma na ɪsɔ Təm seɣesəlaa səsaa, pa koti Yosalem.

⁶ Pə kraɣav ɪsu kətulv səsə Ana, na Kayifi, na Yohaani, na Alekəsantəli-weɣe mpv na kətulv səsə lɔlvɣv nyəma təna.

⁷ ɪlena pá ləsi tillaa səsaa na pá kəna-weɣe pa hekv taa, na pá pəsɪ-we sɪ: Mpi ɪni í lapa ɪsəntɔ tɔ, awe heela-me sɪ í la mpv? Na awe tən ta kə ɪ tu lapəna mpv?

⁸ Tənaɣa Feesuyv Nəhətv tən kələna Piyee na í tə-we sɪ: Təv, tɛtv səsaa na nyuyv nyəma me,

⁹ saɲa pa pəsəɣi-tuyv kɔpantʋ nti tə lapa kaakalaya tɔ tə təm, na ɪsəna tə lapa na ká kvli tɔ.

¹⁰ ɪle pə wee sɪ í nyi təm ntəɣi mə təna. ɪseɣeli yələa təna í nyi-ti tətɔ sɪ, Nasalɛti Yesu Kilisiti wei í kama

səm tesika tō na Isō feesi-ı tō, ı toŋ taa ké yulv ıne ı hika ı ti na í naa-ı mə hēkv taa ké isəntō.

¹¹ Na Yesu ıni ı tōm ke pa ŋmaawa Isō Tōm taa si:

Nmalaa mə, í ka lōwa pəle nte tō,

ńté tō pəsəna nteye kite tee pəle səsəle.

¹² ı tike təkōŋ ı yakəna yəlaa nyōōŋ. Pə taya pulv, hətə tənə tə paasi, lentə fei antulinya təna taa nte Isō hula yəlaa si tē yaa-te na pə ya tá nyōōŋ tō.

¹³ Ḿpóyó kotuyu səsaa mpe pa nawa isəna Piyee na Yohaani pa yōōtəna apalvtv tō, ılena piti kpa-weyə səsəm. Pə taya pulv, pa mayamaya pa nyəmá si Piyee na Yohaani pa ké yəlaa ke yem ké, pa ta la ceu nəyōlv. ılena pá tōsi si paa ké Yesu təŋlaa.

¹⁴ Pécó yulv wei ı ka hika ı ti tō, ı səŋa pa isəntaa təna. ıle pa ta nyi nti paa yōōti tō.

¹⁵ ılena kotuyu səsaa tō Piyee na Yohaani si pá lu təhvlə taa. Pə kaasa mpe ılena pa niki tē saawala.

¹⁶ Si: Isənaya tii lana yəlaa pane ıni? Pə taya pulv, Yosalem yəlaa təna tema nyəm si mpe pa lapəna piti təmle səsəle tənə, pécó pə fei tu kpeesı.

¹⁷ ıle tii kisiina-weyə təpvlvpulv si ye pa tasa nəyōlvv Yesu hətə tənə tē tōm heeluyv paa na. Pə taa kō na tē tōm səsı yav ke yəlaa taa.

¹⁸ Ḿpóyó kotuyu səsaa yaa Piyee-we, na pá kisiina-we təpvlvpulv si pá taa tasa Yesu hətə ńté tō tōm yōōtvv yaa seyesv v ke paa fəŋ mayamaya.

¹⁹ Ḿpóyó Piyee na Yohaani pa cō kotuyu səsaa mpe si: Mə mayamaya í mayasi-təyi mə taa na í na. Pepe kəla teu ke Isō isəntaa? Məye tē se yaa Isō?

²⁰ Ama nti nti tá nuwa na tē nana ta ıse tō, ta kaa pəsi na tē su tē yōōtvv.

21 Μρύγύ Kotuyu səsaa mpe pa ta nyi isəna mpi paa la Piyee-we tə. İlena pá tasa-weye kpaaluyv ke teu na pá yelee-we. Pa ta hiki mpi pə təə paa hə pa ηkraηuyv tə. Mpi pə təə tə, yəlaa təna saηaya İso ké pə təna mpi pə lapa mpv tə pə təə ké.

22 Apalv wei ini piti təmle lapa na í hiki alaafəya ke mpv tə, ι ləlvuyv pusi ka kəla nule.

İso seelaa sələmvuyv

23 Kotuyu səsaa yela Piyee na Yohaani İlena pá tee kprakaa ke pa taapalaa kiη, na pá keesi-weye tə təna nti kətəlaa səsaa na nyuyv nyəma pa yəyətəa tə.

24 Pele pa nu-təyi mpv, İlena pa təna pá sələmi İso si: Hai, Tacaa, nyá lapəna isətəa na ate na teηku na pə təna mpi pə we pə taa tə.

25 Nyá yelina na Feesuyv Naηηtv tv nyá təmle tv ta ləηce Tafiiti nəyətəa ké təm na í yəyətəi si:
Pepe təə ké piitimnaa cəka pə taa na kalampaanı ké mpv?

Pepe təə ké yəlaa ná paasəna nəəheε tee
kuuu ke yem ké mpv?

26 Ate awulaa səsaa kela təəη.

Tetv təkəlaa ná peela nəyətə
na pá kulı Tacaa na ι Mesii pa təə.

27 Tampana təə, Heləti, na Pəηsi Pilati, na mvulaa, na İseyeli piitim nyəma pa peela nəyətə ke nyá təmle tv naηη tv, wei n ləsaa si í la Mesii tə, ι təə ké icate təne tə taa.

28 Mpi tuu ləη nyá toma taa n nəkaa na η maγasi na η su tə, pə maγamaγa ke pa lapa təkεε.

29 Tacaa, pənentε nyəni kpaaluyv mpi pa kpaala-tv na isəle kusεεmle tə, na η yelee na nyá təmle nyəma tá tə heeli nyá təm na tu nyaηna puluyv paa pəcə.

³⁰ Tυ nyá nin na kv̄t̄ont̄onaa hikiyi alaaf̄əya, na í yele na yəlaa naaki nyá kəkələ nyəm na nyá piti təma ke nyá təmle tυ nan̄htυ Yesu toŋ taa.

³¹ Tillaa təma sələməyυ, ɪlena lonte nte tə taa paa kotaa tə t́ sele. M̄p̄ȳ Fesuyυ Nan̄htυ toŋ kuləna pa təna. ɪlena pá sv̄ Iso Təm heeluyυ na paa nyan̄na pulv.

Isə seela taləyi pa tənaya pa wənaw

³² Isə seelaa kpekəle təna ka kaa lotu na ləmayasəle kuləmtəle ké təkpataa. Pa taa nəȳəlv̄ taa fayasəyi na í nyənəyi ɪ k̄wənəm ɪsu ɪ tike ɪ nyəm. Ama pa nyənaya pə təna mpi paa wəna t̄əȳə ɪsu pa təna pa nyəm.

³³ Tillaa keesayaa Taca Yesu fem təm na apal̄tv̄ ké, na Isə ká wə pa təna pa waal̄i ké teu.

³⁴ Pa taa nəȳəlv̄ taa laŋ pulv. Pə taya pulv t̄əə, mpa paa wəna tet̄onaa yaa t̄eesi t̄ə pa p̄eetaɣaa ké na pá k̄əŋna pə liyitee,

³⁵ na pá cəl̄əyi tillaa. Ye pə caala wei pa waasəna-ɪ.

³⁶⁻³⁷ M̄p̄v̄ ɪni pə yelina Lefi tυ nəȳəlv̄, wei pa yaakaya sɪ Yos̄ēf̄v̄ na pá l̄v̄la-ɪ Sipili t̄ə, í p̄eeta ɪ tet̄v̄ natəli na í məŋna pə liyitee na í cəla tillaa. ɪnəyi tillaa ka cuyusaa sɪ Paanapasɪ. (Apal̄tv̄ halv̄ ke pa yaa mpv̄ na pa t̄ə taa.)

5

Ananiyasɪ na ɪ alv̄ Safila pa təm

¹ M̄p̄ȳ apalv̄ nəȳəlv̄ ɪlé, pa yaa-ɪ sɪ Ananiyasɪ, na ɪ alv̄ sɪ Safila. ɪ p̄eeta pa tet̄v̄ natəli na ɪ alv̄ wəna pə nyəm.

2 I tema pɛɛtuyɔ, ɪɛna í faya liyitee taa na í su. ɪɛna í pona wena a kaasaa tɔ, na í cɛla tillaa na ɪ alɔ wena pə tənaya mpv pə nyəm.

3 Tənaya Piyɛɛ pɔɔsa-ɪ sɪ: Ananiyasɪ pepe tɔɔ ké Satanɪ hika-ŋ m̀p̀ɔ́ỳ kataləlaya, na ń kaasi nyá təyi tɛtɔ nti n pɛɛtaa tɔ tə liyitee, na ń puɣusi Feesuyɔ Nanjtu?

4 N taa pɛɛtəta-tɪ tɔ, nyá tɛtɔ ké mɛɛ. Na n tu tɛma-təyi pɛɛtuyɔ tɔ, awe tɪ liyitee, pə taya nyá? ɪɛ isənaya pə lapa na ń paasi na ń mayasɪ nyá taa na ń la yaasi isayav inɛ ɪ taka? Isɔ kɛ ń puɣusaa pə taya yɛlaa se.

5 Ananiyasɪ nu təm tənɛ inɪ, ɪɛna í hoti na í sɪ. M̀p̀ɔ́ỳ pə lapa pa tənə mpa pa nu təm tənɛ inɪ təyɔ keniŋa nakəli pə tu fɛɪ.

6 ɪɛna ifepiya kvlɪ na pá takɪ-ɪ puvuyɔ na pá pona-ɪ pim.

7 Pə lapa laasaya ɪsu kaləfunaa tooso, ɪɛ Ananiyasɪ inɪ ɪ alɔ suɔwayalɛ. Ama ɪ ta nuta nti tə tɛma lapv tɔ.

8 M̀p̀ɔ́ỳ Piyɛɛ pɔɔsa-ɪ sɪ: I pɛɛta mə tɛtɔ nti tɔ tə liyitee tənayalɔ? Heeli-m.

ɪɛna Ananiyasɪ alɔ cɔ sɪ: Anəyɛle mpv.

9 Tənaya Piyɛɛ yɔyɔta-ɪ sɪ: Isənaya mə lapa na í kɛntɪ na í paasi na í hɔv sɪ í mayasəyi Tacaa Feesuyɔ Nanjtu sɪ í naa ɪ waalɪ? Nyəni, mpa pa pima nyá paalv tɔ pa tɛma kɔntɛ, mɛɛyɛɛ nənəyɔ tɛɛ. Paa tɛɛsɪ nyaya tɛɛnav.

10 Tənaya Ananiyasɪ alɔ inɪ ɪ hota Piyɛɛ nɔɔhɛɛ tɛɛ ké kɛkɛraa na í sí. Ifepiya suɔwa, ɪɛna pá mayana ɪ sɛpa. ɪɛna pɛɛ pá kɛɣa-ɪ na pá polo pá pimi-ɪ ɪ paalv kəŋkəŋ taa.

11 M̀p̀ɔ́ỳ təm nti tə lapa Yesu sɛɛlaa kɛkɛle tənə na mpa pa nu-tɪ tɔ pa tənaya keniŋa nakəli pə fɛɪna.

Piti təma payale təhna lapv

12 Tillaa lapa Iso kəkələ nyəm, na piti təma payale ke yəlaa hekə taa. Iso seela təna kotaya Saluməh sakaya səsaya tē.

13 Samaa puɣulaya-weye pə tu fei, paa na mpv yulu kpaɪ tʊ ke yem nyanɣana pa taa suu.

14 Ama apalaa na alaa samaa mpa pa mukaya Tacaa təm na pə səsəyi iso seela kpekəle tə tə, pa nyəh təhna hukuyu ke səsəm.

15 Uena yəlaa nāá svv kətəntunaa ke lunav, na pə husi-weye katonaa na nyaaləh tə kə haree nəəsi, si ye Piyee təkəna təna, i lɛemvɣv mayamaya tu tokina kətəkinau ke pa taa lɛlaa.

16 Yəlaa samaa lukayana Yosalem cələ acalɛ taa na pə kəhna kətəntunaa na mpa aləɣaa cəsaya tə, na pa təna pa hikiyi alaafəya.

Tillaa təɣə kvnyəh

17 Tənaɣa isəsɛmle kpa kətulv səsə ke səsəm ke tillaa tə, na i kin ɔaɣalaa təna mpa pa kə Satusee kpekəle nyəma tə. Haləna pə hvv si paa kuli pa tə.

18 Mpyəy pə kpa tillaa na pə təkɪ-weye timpɪ pa təkəyi samaa təna tə.

19 Ama Tacaa isəttaa tillu nəɣəlv kəma ahoə taa na i tʊl saləka nənəəsi, na i ləsi tillaa. Uena i heeli-we si:

20 I polo Iso təsɛle taa təkaa na i keesi samaa ke layasvɣv mpaav kvne kv təm.

21 Mpyəy tillaa lapa nti isəttaa tillu heela-we tə. Pa kula tanəh ahula tē na pə polo Iso təsɛle taa na pə niki waasv lapv.

Tənaɣa kətulv səsə na i kin ɔaɣalaa təna pa kota Yuta Kotuyu səsəəv nyəma. Uena pə tili si pə ləsi tillaa ke saləka taa na pə kəna.

22 Waatu wei filisinaa ná tala saləka taa tə, pa ta mayana-wε. Ilena pεle pa məli kprakpa na pá heeli huule səsaa mpe si:

23 Tə talaa na tə mayana saləka nənəəsi kaləsa mpv təkənkeŋ, na taŋlaa náá səŋa pa təsəŋlenaa ke nənəəsi təna. Ama tə tula nənəəsi, de nəɣəlv fei pə taa.

24 Iso təsεele taŋlaa nyuyv tv na kətəlaa səsaa pa nu mpv, ilena tillaa məkuyv mpi pə tv-wεye piti ke teu. Haləna pa ta nyi mpi təm tənε tii tēna tə.

25 Tənaya nəɣəlv ná lu yem na í heeli-wε si: I nawaa, mpa iní ka tv saləka tə, pa wenna nteye Iso təsεele səsəle taa na pá laki yəlaa ke waasv.

26 Mpyóy taŋlaa nyuyv tv iní na í yəlaa pa polaa na pá kəna tillaa təheε. Pə taya pulv təə, paa wena yəlaa səɣəntv si pá taa kəə pá yoo mpeye pεε.

27 Taŋlaa nyuyv tv tana tillaa, ilena pá səŋsi-wεye təhuule taa, na kətəlv səsə svv-wεye təm pəəsuyv.

28 Tənaya í təma-wε si: Isu tə kisina-me təsayasaya si í taa tasa apəlv iní í təm ke yəɣətv yə? Na pepeyele í lapa isəntə? I yasa mə seɣesuyv nté Yosalem icatε təna təmam, na í caa í məŋna í səm təm nté ta nyəəŋ taa.

29 Ntəna Piyεε na tillaa lelaa pa cə kətəlv səsə si: Pə wεε si Iso ké tə se, pə taya yəlaa.

30 Ta caanaa caanaa Iso feesa Yesu wei iní mə kama tesika təə na í sí tə.

31 Iso kusa í nyuyv na í cayasi-í í kəŋkəŋ taa, na í lapí-í wuləv na waaslv səsə, si pə la na Iseyeli nyəma layasi tənte na Iso husi pa isayətv.

32 Tə ké pə təna mpi pə lapa mpv tə pə aseeta nyəma. Pə taya tá tike. Ama tá na Feesuyv Nanŋtv wei Iso ha mpa mpa pa nukəna-í təɣə.

33 Kotuyu səsəv kotilaa mpe pa nu mpv, ləna pa páná huu səsəm, haləna pa caakaya pa kv tillaa səsaa.

34 Ama pa taa ka we Falisa nəyolv wei pa yaa sı Kamaliyε tə, i ké pa Iso Təm seysesəlv səsə, na yəlaa seekaya-i. Mıpóyú i kulaa na í səŋ hυvle taa, na í tə sı pá ləsi tillaa na awalı təv na pécó.

35 Uəna í heeli kotilaa sı: Iseyeli nyəma me, í la laakalı na mpi í caa í la yəlaa pane tə.

36 Matəŋ wulenaa taa ké Teutası kulaa na í nyəni i ti isu yolv nəyolv, na yəlaa isu nasəle (400) təŋ i waalı. Mıpóyú pa kv-i, na mpa pεle pa təŋaya i waalı tə pá ya ŋkaŋka, na pə təna pə saalı yem.

37 Ué i waalı ké Kalilee tv Yutaası ná kula kəkəlvyv waatv, na í təŋsı yəlaa kəpiŋ ke i waalı. Ama pa kv Ué tətə, na pə yası pa təna mpa pa təŋaya-i tə.

38 Pə təv ké pənente ma heeliyi-me sı, í taa paasəna yəlaa pane inı pa təm tətə. I yelev-we na pá tεε. Pə taya pulv təv, ye yəlaa kiŋ ke pa kookalı na pa təma lunaa, pu saalı ké.

39 Ama ye tampana Iso kiŋ ke pə lunaa, í kaa pəsi na í la-weye pulv. I la laakalı, pə taa kəv na í yoonə Iso.

Mıpóyú kotilaa mv Kamaliyε təm.

40 Uəna pá yaa tillaa na pá həkiv-we, na pá heeli-we sı: Yesu təm í taa tasa mə nəvsi taa ké luv. Uəna pá yelev-we sı pá tεε.

41 Mıpóyú tillaa lu kotuyu taa na laŋhəlvmlε kəyv-we isu Iso tənə-we na í yelev na pá ná konyəŋ ke Yesu təv tə.

42 Paa ifemle nte, pa ta həesi Yesu wei i ké Mesii tə i Laapaalı Kupaŋ heeluyv, na waasv lapv ke tεesi taa na Iso təsεele taa.

6

Yəlaa naatosompəyəlaya ləsvyv

¹ Waatu inı ı taa Tacaa təhlaa təhna səsəsvyv. Mıpύύ pə lapə təmaya ke Yuta nyəma mpa pa yəyətaya Kələeki təm tə na tetv Yuta nyəma pa həkv, sı tetv Yuta nyəma u paasəyəna mpe pa leelaa ke teu ke paa ifemle nte tə təyənaya talvzv taa.

² Tənaya tillaa naanəwa na naale inı ı kota Tacaa təhlaa kpekəle təna na pá tə-we sı: Pə ta muna sı tē yelev İso Təm paasənəv na tē lakı kvtəyən təm.

³ Pə təə tə, apalaa me, í nyəni na í ləsi mə taa ké yəlaa naatosompəyəlaya, mpa yəlaa sama na Feesuyv Naηηtə ton təə pa kiη na pá wena ləmayasəe ke səsəm tə, na tē tv-weye təmle tənə.

⁴ İle saa inı taa hiki cəyale na tē paasəyəna İso sələmvzv na waasv lapv ke tam.

⁵ Mıpύύ pa kpekəle təna lanje həena təm nti, İlena pá ləsi İtiyənı. Yvzv inı ı tisa ı yvη ke İso təə ké teu, na Feesuyv Naηηtə ton təə ı kiη. Pa ləsa tətəyə Filipv, na Pvlkvlb, na Nıkanəə, na Tıməη, na Paləmenası, na Antıyəka Nikolaa, wei ı ka svv Yuta nyəma mpaasv taa ké kvsvv ke hatoo ləη tə.

⁶ İlena pá pona-weye tillaa kiη, na pelev pá sələmənə-weye İso na pá tənı pa təə ké niη.

⁷ Mıpύύ İso Təm təhna yekvzv na tə puki, na Tacaa təhlaa nyəən təhna səsəsvyv ke səsəm ke Yosalem taa. Haləna kətəlaa pəyav tisi na pá mv Yesu təm ke teu.

İtiyənı kvav

⁸ İso we İtiyənı waalı na í hikiyi toma ke səsəm, na í lakı piti təma na İso kəkəlv nyəm ke yəlaa həkv taa.

⁹ Μρύγύ Yuta nyéma təkotile nte pa yaa si Yomaa Kvhetaa təkotile tɔ, tə taa yəlaa napəli mpa pa ké Silεeni na Alekəsantilii nyéma tɔ, pá na Silisii na Asii tetu pə Yuta nyéma napəli pa kula Itiyεeni tɔɔ, na pá na-i pá suu təm həm taa.

¹⁰ Ama Itiyεeni kəla-wε na təm. Pə taɣa pulu, Feesuyu Nanηtu hana-i ləmagasεε na í yəɣətəɣəna.

¹¹ Μρύγύ yəlaa mpe pa ha yəlaa ke liyitee si pá yəɣəti si: Tə nuwa ι sayata Moisi na Isə.

¹² Na pa səsə yəlaa na nyuyu nyéma na Isə təm seɣesəlaa səsaa, na pεle pá kuli Itiyεeni tɔɔ, na pá kpa-i na pá pona-i təhυle səsəle taa.

¹³ Μρύγύ pa caa yəlaa napəli si pεle pá suu Itiyεeni ke təm si: Apalu ine ι sayatəɣi tá Isə təsεele səsəle kɔpante tənε na Isə Təm ke tam ké.

¹⁴ Halι tə nu ι yəɣətəa si: Nasaletι Yesu inι ι ká yəki tá Isə təsεele səsəle tənε, na í layasι kətasi nsi Moisi naa hula-tu tɔ.

¹⁵ Μρύγύ təhυle taa caɣalaa təna pama Itiyεeni tɔɔ ké isε, na pá ná si ι isεntaa mu isətəa tillu wεεtu.

7

Itiyεeni waaSυ

¹ Tənaɣa kətulu səsə pəsə Itiyεeni si: Tampana pə lapa mpυ?

² Μρύγύ Itiyεeni cəwa si: Ma tεetɔnaa na ma caanaa mε, í tu ηkpaηη na í nu. Teeli Isə lu ta caanaa caanaa caa səsə Apəlaham tɔɔ ké ι ka wεv Mesopotami na pəcó í kuləɣi na í puki Halanη ke caɣav tɔ.

³ Na í təm-i si: Kuli na n yele nyá tetu na nyá nyéma. Maa huli-η tetu nti tə taa n ká polo n caɣa tɔ.

4 Μρύγύ Apələham kula Kalətee tetu taa na í polo í caya Halan. Apələham caa səpa, ilena Iso ləsi-i Halan təna na í kəna-i timpi mə we kayana isəntə tə.

5 Iso tá ha-i tetu nti tə taa ké pəlv mayamaya. Paa tēliya si í sopi sopuyu mayamaya. Ama Iso təma-i kutəm ké si í ká ha-i tetu nti. I mayamaya í piya ká tēna na pá ti-ti tətəyə í səm waalı. Pécó waatv inı Apələham fēina pəyaya.

6 Ile nti Iso heela-i təyələ si: Nyá piya ká caya cayalətv ke lelāa tetu taa, na pele paa la-weyə yomaa. Paa tv-weyə wahala ke pusi nasələ (400) təcu ké tēna.

7 Ama Iso təma si í ká pəsı piitim mpi pu tv-weyə yomle ke mpv tə. Pəle pə waalı ile paa lu tēna na pá kəo tetu tənə inı tə taa na pá paasəna Iso sēv.

8 Μρύγύ Iso lapa na pelvγv pəsi Apələham ke kətaya ηka kaa təsəy-i nti í na Iso paa yəyətāa na pá si tə. Pə təo ké Apələham kəma í ləli Isaaka tə, í pelā-i í kvyeη pələfēi naanəwa wule. Ilena Isaaka náa peli mρύγύ Yakərv, na Yakərv ná pelā mρύγύ í piya naanəwa na naale mpa pa ke ta kpeka caanaa caanaa səsaa tə.

9 Ta caanaa caanaa mpe pa lapa Yosēfv ke isəsēmlē na pá pēeti-i, na pá pona-i Icipiti ke yomle. Ama Iso ka we Yosēfv waalı,

10 na í yapa-i í wahalānaa tēna taa. Pə kəma na Yosēfv tala Icipiti wulav səsə kiη tə, Iso lapa na wulav lanjle hēna í yaasi na í layatv. Haləna Icipiti wulav nana-i kufənēē kpaυ, si í nyənəyí Icipiti tetu tēna na í mayamaya í təyaya pə təo.

11 Μρύγύ nyəyəsı anaam lu Icipiti na Kanaan pə tetu tēna taa. Pu haηa teu ké təkəηkəη haləna ta caanaa caanaa mpe pá pēeki mpi paa təyə tə na pá kpisi.

12 Pə kəma na Yakərv nu si təgənaɣa pee we Icipiti, ɪlena í kusi tá caanaa caanaa mpeye təm kancaalaya nyəm na í tili.

13 Pa kəma na pá məli təm naale nyəm, ɪlena Yosəfu lá na ɪ taalvnaa nyəmi-ɪ. Na pə lapa tətə na Icipiti wulav səsə mayamaɣa náá cekəna ɪ piitim.

14 Mprúyú Yosəfu tila ɪ caa Yakərv na ɪ nyəma təna waali na pá kəw. Pa we yulvnyəwəɣ nutoso na naanvwa na kakpasɪ.

15 Mpru pə lapəna Yakərv nana Icipiti pote, na í can í si təna. Ta caanaa caanaa ná səpa təna tətə.

16 Pa kpaɣaa-wəye na pá mələgəna Sikem, na pá piɲ-wəye pəlaav ŋku Apələham ka yapa Heməw nyəma kin na liyitee tə kv taa.

17 Pə kəma na pá tala nti Isə ka təma si ɪ ká la Apələham tə tə larv tə, tá piitim nyəma hukə səsəm, pa paɣav ke Icipiti we səgəntv.

18 Mprúyú wulav səsə kvfalv nəgəlv ná caɣaa, ɪlé ɪ taa nyɪ Yosəfu.

19 Wulav ɪni ɪ lapa tá piitim ke acilayətv. ɪ tv ta caanaa caanaa ke wahala ke teu na kvcaalvɣv, si pá lə pa ahəlvmnnaa na pá si.

20 Waətv ɪni ɪ taa ké pa ləla Moisi. ɪ ka ké pəɣaɣa kvpaɲka ŋka ka te Isə ké teu tə. Mprúyú Moisi nyəma təw-ɪ ɪsətvnaa tooso ké pa tɛ.

21 Pə kəma na pá lə-ɪ tə, Icipiti wulav səsə pəelə hiina-ɪ na í təkɪ-ɪ ɪsu ɪ mayamaɣa ɪ kvləlv.

22 Mpru pə lapəna Moisi nyəmə Icipiti nyəma nyəm təna. Haləna í lá yulv wei í yəgəta nti tu hotiyi atə tə, na í pəsa təma.

23 Pə kəma na Moisi pusɪ tala nule, ɪlena í hvv si ɪ ká polo na í wiili ɪ ɪsɛyeli nyəma ləlaa.

24 Moisi polaa ilena í maɣana Icipiti tu nəɣəlv í laki pa taa nəɣəlvu mʊsɔŋ. Ilena í mu wei pa laki mʊpúɣú mʊsɔŋ tɔ ɪ tɔm na í suna ɪ ti, na í læti Icipiti tu, na í caŋ í kv-ɪ.

25 Moisi ka nyəmaɣa si ɪ lseɣeli nyəma ká nyi si inəɣi lɔ lɔsaa si í waasi-we. Ama pɛle pa ta nyi mpv.

26 Kv fema ilena í maɣana lseɣeli nyəma naale na pá maki, ilena í polo pa loluɣu. Na í tɔ-we si: Apalaa me, mə kʊlvɔm ké, ɪle pepe tɔɔ ké í laki təmaɣa mʊsɔŋ?

27 Ama mʊsɔŋtu wei ɪ lakaya ɪ tɔɣəntəle ke mʊsɔŋ tɔ ɪ nyasa-ɪ tɔm si: Ma na-ŋ, tá wulav na tá tɔm huɔlv.

28 Tete n tɛma Icipiti tu ke kʊvɔ tɔɣəle saŋa n nyəma si n ká tɛɛsi ma na?

29 Moisi nu mpv, ilena ɪ se kpaakraa na í polo í caɣa Matiyaŋ tɛtv taa. Matiyaŋ tənaya ɪ lɔla apalv piya naale.

30 Pə kɔma na pusɪ nule cɔɔ, ɪle kʊyakv nakvli ɪ we wulaya tɛtv taa ké puvv Sinayi kiŋ. Mʊpúɣú hotiya nakəli ka sʊv kəkɔ mʊvɔ, ilena ɪsɔtaa tillu lu ɪ tɔɔ ké hotiya ŋke ka kəkɔ taa.

31 Moisi nawa mpv, ilena pə lapɪ-ɪ piti. Tənaya ɪ tuusaa si ɪ wiiliyi teu, ilena í nu Tacaa nəɣɔ si:

32 Maɣale nyá caanaa caanaa lɔ, Apəlaham na lsaaka na Yakərv pa lɔ. Tənaya sɔɣəntv kpa Moisi ke sɔsɔm na í seliyi, haləna í kpisi nyənvuɣv.

33 Ilena Tacaa tɔ Moisi si: Wəɣɔsi nyá ntəŋkpala, timpɪ taa n səŋa mpv tɔ pə ké tɛtv kate nyəntv ké.

34 Ma nawa ma yəlaa mpa pa we Icipiti tɔ pa wahala, ma nu pa wula. Ilena má tii si ma yaki-we. Tɔv, kvli, ma tiliyi-ŋ Icipiti.

35 Moisi wei inɪ ɪ tɔm lseɣeli nyəma ka kisaa təkpaakpata na pá tɔmɪ-ɪ si: Tə na-ŋ, tá wulav na tá tɔm huɔlv tɔ, kʊlvɔm inəɣi lɔ tayaana kʊsvuɣv na í tili pa

kin, si í la pa wulav na í waasi-we na isətaa tillu wei
i ka lu i təə ké hotiya kin tə i toŋ taa.

³⁶ Inu i lapəna piti təma na Iso kəkəlo nyəm na í
ləsi-weye Icipiti tetv taa. I lapa mpv tətəyə səsəncəasi
tenku taa na wɔlaya tetv taa, halɪ pusɪ nule.

³⁷ Moisi inu i heelina Iseyeli nyəma si: Iso ká kəna-
meye Iso kuyəyətutu teləsulv nəyəlɔ wei i we isu má,
na i ká wee mə mayamaya mə piitim tv tə.

³⁸ Kulvm inu i ka wenna Iseyeli nyəma mpa paa
kota wɔlaya tetv taa tə pa kin. I na isətaa tillu wei
i ka yəyətəna-i puyv Sinayi təə tə pa wenna tá caanaa
caanaa kin ke təne inu. Moisi inu i muna Iso Təm nti
tə laki təmlɛ ke səsəm tə si i teləsəyi-tv.

³⁹ Ama tá caanaa caanaa ta nuna-i. Pa kisa-i na pá
kpaɣa pa laakələnaa na pá məŋna Icipiti.

⁴⁰ Haləna pá yəyətɪ Aləŋ si: Lu-tuyv tuyv na té
nyənəyi-kv. Pə taya pulv, tə ta nyi mpi tá Icipiti taa
ləsəlɔ Moisi temnaa tə.

⁴¹ Mpyóy pá lupa naule na pá pəsi-teye pa tuyv na
pá laa-te. Haləna pá yəələna pa nin kulupum mpəyi
teu.

⁴² Mpyóy Iso lapa-weye awusa na í yele-we si pá
nyənəyi isətulɔŋasi ke pa tuŋ, isu paa ŋmaav Iso
kuyəyətutu teləsəlaa takələsi taa tə si:

Iseyeli nyəma me,

maya í lapa kətasi na í feɛni

wɔlaya tetv taa ké pusɪ nule taa?

⁴³ Aai, tuyv Moləki cokəle na mə tuyv

Lefəŋ isətulɔŋa ləesuyv ke

í kpaɣaa na í paasəyəna.

I tənaya mpv, pə taya wei í lupa si

í təŋəyi təyələ?

Pə təə ké maa yele na pá pona-meye Pəpiloni,

haləna í tee pə waalı.

⁴⁴ Wulaya tetu taa tənə inı tá caanaa caanaa ka wəna cokəle, na tə taa na seliya kpaatanaa. Paa sika-teye teitei ké isu Iso ka heeluyu Moisi tə. Teitei isu nte tə taka Moisi ka nawa tə.

⁴⁵ Tá caanaa caanaa cəla-teye pəle pa waalı nyəma. Uəna pəle pá křenna-teye timpi Yosuwee tee-weyə nəyo na Iso yası piitimnaa ke pa isentaa na pá təyo tetu tə. Na tə wəe tənaya mpv, haləna Tafiiti waatu.

⁴⁶ Iso lanle heəna-ı teu, uəna Tafiiti náá sələmi-ı nəyo, sı ı lakı inı wei ı ké Yakəpu Iso təyo təcayale.

⁴⁷ Pə na pə mpv tə, Saləmən ηmana-ı kutuluyu ηku.

⁴⁸ Ama pə taya isətaa Iso Səsə inı ı cakı kutulun wei yəlaa niη ηmawa tə ı taa se. Halı Iso kuyəyətutu teləsulə mayamaya yəyətə mpv sı:

⁴⁹ Taca yəyətə sı:

Isətənyu nté ma kumte.

Ateyele ma nəəheə təsule.

Ue kutuluyu ηku kv taka ké í pəsəyi na í ηma-m?

Na leyele ma təheəsəle?

⁵⁰ Pə taya má lapəna pə tənaya mpv na ma niη?

⁵¹ Təv, yəlaa mpa me í tema keeluyu tə, mə lanə lapa kpusəη na mə ηkraηη teeli na í kisi Iso Təm. ı kpeəsəyəna Feesuyu Nanηtu ke tam, mə caanaa katə ke í krayaa.

⁵² Mə caanaa naasa Iso kuyəyətutu teləsəlaa mpe pa tənə na pá səs kuləm ke? Pa kv mpa pa heelaya sı tampana təηlv inı ı ká kəs tə. Kuləm inəyəle mə lapa kələmətə ke nəənə na í kv.

⁵³ Halı meye isətaa tillaa teləsa Iso kvsəsutu. Pəyele u caakı tə təkoyu.

Itiyeeni sām

54 Yuta nyéma nu mpv, ilena pááná huu pa taa, na pá sala pa niη ke Itiyeeni tō na pá taηaa.

55 Ḿpúyó Feesuγu Naηηtu toma kuləna Itiyeeni ke teu. Ilena í teki ι ιse na iso na í na Iso teu səsəəm na Yesu səηa ι ntəγəη tō.

56 Tənaγa ι toma si: Ι ιnaa, isətənuγv tulaa, na má naa Yulv Pəγaγa na ká səηa Iso ntəγəη tō.

57 Ḿpúyó Yuta nyéma mapa kapusi ke teu, na pá təkι pa ηkpaηη na pá huli Itiyeeni.

58 Na pá tuli-ι na pá luna icate waali, na pá suv-ι pεε yaγav si pá kv-ι. Mpa paa ké pə aseeta nyéma tə, pεε pa suna ifepu wei pa yaa si Səli təγə pa wontu.

59 Pa təηna Itiyeeni ke pεε yaγav, ilena í sələmi si: Tacaα Yesu keli-m.

60 Ilena í lunη akula na í yəγətəna nəγə səsəəηka si: Tacaα, taa nyəni pa isayatu tənε. Itiyeeni yəγəta mpv, ilena í hεε.

8

¹ Səli lanjε ka hεena Itiyeeni kovv.

Wahala yasa Yesu seelaa kpekəle

Kuyaku ηkv kv mayamaya ke pa suv Yosalem Yesu seelaa kpekəle ke kynyəη tyyv ke teu. Ilena pa təna pá ya Yuta na Samalii taa, na pə yele tillaa tike.

² Ḿpúyó yəlaa mpa pa təηəγι Iso mpaav ke teu tə pa pima Itiyeeni, na pá wii-ι səsəm.

³ Ama pə yela Səli ilé tə, Yesu seelaa ke ι təηna lvpv si ι laki sakasaka. Tεεsi taa ké ι suvkaγa na í kpaaki apalaa na alaa na í təkəγι.

Filipv kpaaləγι Laapaali Kupaη ke Samalii

⁴ Mpa mpa pa ya mpv tɔ pa cəəkaya paa le na pá heeliyi Išo Təm Laapaalı Kupaŋ.

⁵ Samalii ɪcate ke Filipv ná polaa na í heeliyi təna nyóma ke Mesii təm.

⁶ Piti təma nna Filipv lakaya tɔ samaa nu a təm na pá nana pa ɪse. Pə tɔ kə waatu wei í yəɔtəyi, pa təna təpai pa tɔyi ŋkraŋvɔv ke teu.

⁷ Pə taya pɔlv, aləyaa kiisaya na pá seeki aləyohilaa paɣale kin na acamaa na kaakalasi paɣale hika alaafəya.

⁸ M'púyú yəlaa laŋa hɔlvma katatəlaya, haləna pá la ɪcate nteye yuŋ.

⁹ Apalv nəɔlv naa we ɪcate nté tə taa kə hatoo ləŋ, pa yaaki-ɪ si Siməŋ. Apalv ɪni ɪ lakaya topotopo təma kə, na pə laki Samalii nyóma tənaya piti. ɪ nyənaya ɪ təyi səsə kə pə tii fei.

¹⁰ Pə kraɣav piya na pá polo səsaa tɔ pa təna pa wutaya-ɪ kə. Haləna yəlaa tənaya si: Išo toma nna pa yaa toma səsəna tɔ a tv ntə.

¹¹ ɪlena pá wutiya Siməŋ ɪni ɪ waalı. Pə taya pɔlv, ɪ topotopo təma ka temna-weye piti lapv ke hatoo ləŋ.

¹² Ama Filipv kəma na í heeliyi-weye Išo Kawulaya na Yesu Kilisiti pə Laapaalı Kupaŋ tɔ pa mv Laapaalı Kupaŋ ɪnəyi teu, haləna pá sə apalaa na alaa ke Išo lvm.

¹³ Siməŋ íle ɪ maɣamaya ɪ mɔwa na pá sə-ɪ Išo lvm. ɪlena í svv Filipv ke təŋvɔv na ɪ nyənaya Išo kəkələnna səsaa na piti təma nna a lakaya tɔ na pə we-ɪ piti.

¹⁴ Tillaa mpa paa we Yosalem tɔ pa nuwa si Samalii nyóma mv Išo Təm, ɪlena pá kusi Piyee na Yoħaanɪ na pá tili si pá polo na pá ná.

¹⁵ Piyee pa tala təna, ɪlena pá sələməna Samalii nyóma mpeye Išo si pá hiki Feesuyv Naŋŋtv.

16 Pə taya pɔlv, Tacaa Yesu həte tike ke paa yaawa na pá səna-weyɛ lɔm. Ue Feesuyu Nanjtu ta tiita pa taa nəyɔlv ɪ tɔɔ.

17 Tənaɣa Piyee na Yohaani pa təna niŋ ke pa tɔɔ. Uena pá hiki lɔ Feesuyu Nanjtu.

18 Waatu wei Siməŋ nawa sɪ tillaa təna-weyɛ niŋ na pá hiki Feesuyu Nanjtu tɔ, ɪ cɛla-weyɛ liyitee,

19 na í tɔ sɪ: ɪ cɛle maɣa mpv inɪ pə lapv tɔtɔ, na má təna wei ké niŋ, pɔntv hiki Feesuyu Nanjtu ke mpv.

20 Tənaɣa Piyee təma sɪ: Isəna mpi n huɔv sɪ pa pəsəɣi pá ya lɔ hatɛ na liyitee tɔ, nyá na nyá liyitee í la yem.

21 N kaa na pɔlv cəcəka. Pəyele nyá paa maɣamaya tu fei tənɛ inɪ tə taa. Pə taya pɔlv, lɔ ɪsentaa nyá lotu ta te.

22 Ue lɔ nyá huwɛɛ asayɛɛ anɪ, na ń wiina Tacaa na í huɪ-ŋ suulu na í tayanɪ-ŋ nyá huwɛɛ asayɛɛ anɪ.

23 Pə taya mpv, ma naakvɣv-ŋ tɔ, nyá na nyarŋ ké ɪsu kakaya. ɪsayatv lapv təkəna-ŋ təkem.

24 Ḿpúɣú Siməŋ cə-wɛ sɪ: Mu wiina-m na Tacaa, na ntɪ í yɔɣɔta mpv tɔ tə taa natəlɪ í taa la-m.

25 Tillaa mpe pa naale pa tema nti nti pa nawa tɔɣɔ keesvɣv na waasv lapv. Uena pá kvlɪ na pá məɪlɪ Yosalem. Pa məlaya mpv tɔ, pa heelaya Laapaalɪ Kɔpəŋ ke Samalii acalɛɛ payalɛ taa ké na pá təŋna pɔte.

Filipv na Itiyopii tv pa təm

26 Tacaa ɪsəttaa tillu nəyɔlv heela Filipv sɪ: Kvlɪ na ń təŋ ilim mpətəŋ tɔɔ, na ń katɪ hapələ nte tə lukɪ Yosalem na tə puki Kasa tɔ. Wɔlaya tetv taa ké hapələ ńtɛ tə fayanaa.

27 Μρύγύ Filipu kulaa na í tv mpaav. I tɔhna pote, ile i nawa yulu nəɣələyule. Sese Itiyopii yulu katanja nté. Inu i ka kena Itiyopii wulav səsə alv nyəh wei pa yaa si Kantasi tɔ i akewe səsə, wei i nyənaya i kpancoou təna tɔ tɔ. Apalv inu i ka luna Yosalem keke Iso seev.

28 I caya i keeke taa, na í kaləgi Iso kuyəɣətutu teləsulv Isayii takəlaya taa na í tɔhna krente.

29 Tənaya Feesuyu Nəhətu heela Filipu si: Tɔ na n kɔətəna keeke inu.

30 Μρύγύ Filipu kpaɣa asewa na í tala i kin, na í nu i tɔhna Iso kuyəɣətutu teləsulv Isayii takəlaya taa ké kaləy. Ilena í pəsə-i si: N cekəna nti n kaləgi təɣələ?

31 Μρύγύ yulu katanja cə Filipu si: Ye nəɣəlv ta seɣes-i-m, isənaya maa la na má cekəna?

Ilena yulu katanja tɔ Filipu si: Kpa na n caya ma kin.

32 Təm nti i kalaya takəlaya ηke ka taa təɣələ si:

Pa teena-i isu pa teekuyuna

heu ke nampayətəle tɔ.

I lapaya isu iwəyaya ηka

ka hontv pa kəəki na ká suma tɔ.

I suma mρύγύ i ta cə natəli.

33 Pa tv-i taaləm na pá kv i təm ke pətətəle ke yem.

Awe ká pəsə na í keesə i piitim təm?

Pa tama i weesuyu tomle ke atə cəne.

34 Tənaya akewe inu i təma Filipu si: La suulu na n heeli-m, awe təm ke Iso kuyəɣətutu teləsulv keesəyi mpv? I maɣamaya i təm yaa nəɣəlv nyəntv?

35 Ilena Filipu svv yəɣətəy, na í kpaɣa təm nti inu apalv inu i kalaya mpv tɔ, na i seɣesəna-i Yesu Laapaah Kupaη.

³⁶ Pa təhna təntə ke mpv, ɬena pá tala tiili isəntə, ləm ka we tənaya. Ḿpógyó akewe iní ɬ təma si: Nyəni ləm yee, n kaa sə-m Iso ləm ke cənəye kpaakraa? Yaa pə kaasa-m pəlv?

[³⁷ ɬena Filipv cə yəlv katanja si: Ye n tɛma nyá taa təkpaata te, má sə-ŋ ké.]

Ḿpógyó yəlv katanja cəwa si: Ma tɛma ma taa si Yesu Kilisiti ké Iso Pəyaya ké.]

³⁸ Tənaya yəlv katanja səhsa keeke na Filipv na akewe iní pá tii pa naaleye ləm taa, na Filipv sə-ɬ Iso ləm.

³⁹ Pa luna ləm taa, ɬena Tacaa Feesuyv keli Filipv, akewe iní ɬ ta tasa-ɬ keesuyv. Ḿpógyó ɬ tv ɬ mpaav na lahəlvəmle kuyv-ɬ.

⁴⁰ Ama Filipv ná tuta ɬ təyi Asoto, na í laki waasv ke acalɛɛ nna nna a taa ɬ təhnaa tə, haləna í tala Sesalee.

9

Səli Layasvuyv

(*Tillaa Təmle 22:6-16; 26:12-18*)

¹ Ama Səli ná təhna Tacaa təhlaa kuyv kpeesuyv na isəle kuvɛɛmle. Ḿpógyó ɬ kulaa na í polo kətəlv səsə kin,

² na í sələm-ɬ si: La-m takəlaya, na má pola Tamasi, na má mayana Yuta nyəma təkotilenaa taa ké mpa pa təhəyi Tacaa mpaav tə, paa apalaa paa alaa, ma kra-we na má həkə na má pona Yosalem.

³ Waatv wei Səli we mpaav taa na í kprətəna Tamasi, ɬe pə luna isə keke na pə la ɬ isəntə tənyalulu isv kəkə ke təm kəlvəm tə na pə ná na pə cəəna-ɬ.

⁴ Ḿpógyó ɬ hota atɛ na í nu pə pəəsəyi-ɬ si: Səli Səli pepe təə ké n təyv-m konyəŋ ke mpv?

5 Tənaɣa Səɔli pəɔsaa si: Tacaɔ nyaya aweye ye?

Iləna pə cə Səɔli si: Maya Yesu wei n tuɣi konyəŋ tə.

6 Kuli na ń polo ɪcatɛ taa, paa heeli-ŋ nti n ka la tə.

7 Ḿpúyú pə tənmsa mpa pa tənaɣa Səɔli tə na pá səŋa yem. Pa nukaya pə yəɣətəyi, ama paa naaki nəɣɔlv.

8 Tənaɣa səɔli kula atɛ na í nyənəyi yem u naaki. Iləna pá təkɪ ɪ niŋ taa na pá həmi-ɪ na pá pona Tamasi.

9 Na í caya kuyɛɛŋ toosoɣo yulvmle tɛɛ, ɪ ta təɣə, ɪ ta nyəɔ.

10 Tacaɔ təŋlv nəɣɔlv ɪ ka wɛ Tamasi na pá yaa-ɪ si Ananiyasi. Ḿpúyú pə lapa-ɪ ɪsu toosee taka, na í ná Tacaɔ, na ílé ɪ yaa-ɪ si: Ananiyasi.

Na í tisi si: Tacaɔ mayalə.

11 Iləna Tacaɔ təmi-ɪ si: Kuli təwaka na ń təŋ hapələ nte pa yaa si Kusiyisile tə, na ń sɔv Yutaasi təyaya, na ń pəɔsi Taasi ɪcatɛ apalv wei pa yaa si Səɔli tə ɪ təɔ. ɪ wɛ təna na í təŋna ləɔ sələmuyv.

12 Pə lapa-ɪ ɪsu toosee taka, na í ná nyá wei pa yaa si Ananiyasi tə, na ń sɔv si n tənəyi-ɪ niŋ na ɪ ɪsɛ kuli.

13 Ḿpúyú Ananiyasi təma si: Tacaɔ, ma nu təŋlaa payalɛ kiŋ kɛ apalv ɪnɛ ɪ təm, na ɪ ɪsayatv nti tə təna ɪ lapa nyá yəlaa kɛ Yosalem tə pə təm tətə.

14 Kətəlaa səsaa ha-ɪ nəɣə si í kəɔ cənɛ tətə na í həkə mpa pa təkə nyá təm tə.

15 Tənaɣa Tacaɔ cə Ananiyasi si: Polo, ma ləsa apalv ɪnəyi si ma lakɪ-ɪ na í heeliyi ma təm kɛ pi-itimnaa na awulaa səsaa na lɛɣɛli nyéma.

16 Ma mayamaya maa hvləna-ɪ konyəməŋ wei ɪ ká təɣə ma nyuyv təɔ tə.

17 Μρύγύ Ananiyası tεεwa. I kəma i tala təyaya ηke ka taa, lɛna í təni i niη ke Səəli təə na í təmi-i si: Ma taapalu Səəli, Tacaə Yesu wei n kəηaya na n ná mpaav taa tə, inu i tilina-m si nyá ise í kuli na Feesuyu Nanηtu toma haγa nyá taa ké səsəm.

18 Μρύγύ puluɾuɾnaa isu hutu taka kəəla Səəli isentəə ké kpaakraa na pə hoti ate na í suv nav. lɛna í kuli na pá sə-i Iso lvm.

19 Na í təγə kətəγəv na í hiki toma.

Səəli lakı waasv ke Taması

Səəli caγa Tacaə təηlaa mpa pa we Taması tə pa cələγə wεε naale.

20 Μρύγύ Səəli suv waasv lapv taa ké kpaakraa ke Yuta nyəma təkotilenaə taa. I heelaya təfoo ké si Yesu kele Iso Pəyalu.

21 Na pa təna mpa pa nu i waasv inu tə, piti kpa-we na pá təη si: Pə taya inu i ka sɛsəna isəle na mpa pa təkə Yesu təm tənɛγɛ Yosalem təγə kənyəη tuγv? Isu i ka kəma cəne si i kpaə-we na í həkə na í pona kətəlaa səsaa ya?

22 Paa na mpv Səəli ná təηna waasv lapv na i toη səsəγi tam na pə puki. I hulaγaa Taması Yuta nyəma si Yesu kele Mesii. lɛna pə məli pɛlɛγɛ liγituγv, paa nyəη nti pá cə-i tə.

23 Wεε lapa naale, lɛna Yuta nyəma caγa na pá tayanu si pá kv-i.

24 Ama Səəli nu nti pa həkəə na pá su tə. Na icate koluηa nənəəsi taηa ilim na ahoə si pá hiki-i na pá kv-i.

25 Μρύγύ ahoə naali Səəli ifalaa tv-i sətəkv səsəəv taa na pá tisi-i na icate koluηa na í tεɛ.

PIPI LI USO TOM TAKELAYA
Portions of the Holy Bible in the Lokpa language of
Benin

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

PDF generated using Haiola and XeLaTeX on 18 Apr 2025 from source files dated 31 Aug 2023

ef14191a-91f7-51c1-ac89-7b93dd7c4377